საბაკალავრო საგანმანათლებლო პროგრამა "საშემსრულებლო ხელოვნება" მისაღები გამოცდების/შემოქმედებითი ტურების მოთხოვნები

სპეციალობა - "კლავიშიანი საკრავები"

შემოქმედებითი ტურები:

- სპეციალობა;
- მუსიკის თეორია:

სოლფეჯიო – სმენითი ანალიზი (წერა), ტესტი მუსიკის თეორიაში (წერა).

აბიტურიენტის ცოდნა თითოეულ ტურში ფასდება ასქულიანი (100) სისტემით; დადებითი შეფასებაა 51-100.

1.სპეციალობა:

აბიტურიენტმა უნდა შეასრულოს:

- 1. ბახი. პრელუდია და ფუგა (კარგად ტემპერირებული კლავირის I ან II ტომიდან);
- 2. კლასიკური სონატა (ჰაიდნის, მოცარტის, ბეთჰოვენის);
- 3. ორი ვირტუოზული ეტიუდი:
 ერთი ეტიუდი შოპენის ეტიუდები თხზ. 10 (გარდა N3 და N6) და თხზ. 25 (გარდა N7)
 მეორე ეტიუდი შოპენის, ლისტის, რახმანინოვის (ეტიუდი-სურათი), სკრიაბინის, ბარტოკის, დებიუსის, სტრავინსკის ან პროკოფიევის;
- 4. პიესა.

2.მუსიკის თეორია:

სმენითი ანალიზი - აბიტურიენტმა სმენითი ანალიზი უნდა ჩაწეროს აუდიო ჩანაწერის (ფორტეპიანოზე შესრულებულის) მიხედვით

- 1. კილო: სამი სახის მაჟორი; სამი სახის მინორი; ორმაგად ჰარმონიული მაჟორი და მინორი; მაჟორული და მინორული პენტატონიკა; დიატონური კილოები (მიქსოლიდიური, ლიდიური, ფრიგიული, დორიული). (გამოცდაზე შესრულდება 7 კილო, თითოეული იკვრება 3-ჯერ)
- 2. ინტერვალი: მარტივი და შედგენილი: ყველა წმინდა, დიდი და პატარა; გადიდებული და შემცირებული (+4; -5; -4; +5; +2; -7; -3; +6) გადაწყვეტით. (გამოცდაზე შესრულდება 7 ინტერვალი, თითოეული იკვრება 3-ჯერ)
- 3. აკორდი (მჭიდრო და ფართო განლაგებით): სამხმოვანება მაჟორული, მინორული და შემცირებული შებრუნებებით, გადიდებული მხოლოდ ძირითადი სახის. სეპტაკორდი -მცირე მაჟორული, მცირე მინორული, მცირე შემცირებული, შებრუნებებით; შემცირებული, მცირე მაჟორული სეპტაკორდისექსტით (მაჟორში); ნონაკორდი -დიდი და პატარა. აკორდები იკვრება გადაწყვეტის გარეშე. (გამოცდაზე შესრულდება 7 აკორდი, თითოეული იკვრება 3-ჯერ)
- **4.** ერთტონალური აკორდული თანმიმდევრობა (შედგენილი), რომელშიც შევა ჰარმონიის კურსის პროგრამით გათვალისწინებული მოთხოვნები. (იკვრება **3-**ჯერ)

ტესტი მუსიკის თეორიაში (მუშაობის დრო - 1,5 ასტრონომიული საათი).

ჰარმონიული ანალიზი: საანალიზოდ აბიტურიენტს ეძლევა ერთი ნიმუში მხატვრული ლიტერატურიდან, დაწერილი პერიოდის, მარტივი ორ ან სამნაწილიანი, რთული სამნაწილიანი, ვარიაციული, რონდოს, რონდო-სონატის ან სონატური ფორმით. ანალიზის პროცესში აბიტურიენტმა უნდა განსაზღვროს ფორმა, ტონალური გეგმა, მოდულაციის სახეები და ხერხები, კადანსები, ფაქტურა, აკორდიკა.